

Broj: 11-17-180/25
Sarajevo, 28.03.2025.

Na osnovu člana 64. stav 1) tačka b, člana 70. st. 1), 3) i 6) Zakona o javnim nabavkama („Službeni glasnik BiH“, broj 39/14, 59/22 i 50/24), a na Preporuku Komisije za javnu nabavku broj: 11-17-204/25 od 26.03.2025. godine, u postupku javne nabavke putem konkurentskog zahtjeva – nabavka usluge čišćenja i održavanja službenih prostorija Javne ustanove Federalna novinska agencija, Direktor Javne ustanove Federalna novinska agencija na usaglašen stav sa zamjenikom direktora,
d o n o s i

ODLUKU
o izboru najpovoljnije ponude putem konkurentskog zahtjeva
za nabavku usluge čišćenja i održavanja službenih prostorija
Javne ustanove Federalna novinska agencija

Član 1.

Prihvata se preporuka Komisije za javne nabavke, broj: 11-17-204/25 od 26.03.2025. godine te se Ugovor za nabavku usluge čišćenja i održavanja službenih prostorija Javne ustanove Federalna novinska agencija za LOT 1 u Sarajevu, dodjeljuje ponuđaču:

„ABV“ vl. Varka Armin, ulica Ragale 47, Fojnica, ID broj: 4337992170009, broj ponude: 51/25 od 24.03.2025. godine za cijenu od 9.172,80 KM bez PDV-a.

Član 2.

Prijedlog ugovora o nabavci dostavit će se na potpis izabranom ponuđaču po proteku roka od 10 (deset) dana, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se i ovlašćuje Odjel za razvoj, opće, pravne i finansijske poslove.

Član 4.

Ova Odluka uputit će se ponuđačima koji su učestvovali u postupku javne nabavke, u skladu s članom 70. stav 6) Zakona o javnim nabavkama i članom 71. stav 2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 11-17-121/25 od 10.03.2025. godine.

Javna nabavka je sprovedena putem konkurentskog zahtjeva za dostavljanje ponuda.

Obavještenje o nabavci broj: 14753-7-2-42-3-13/25 objavljeno dana 10.03.2025. godine na portalu javnih nabavki dok je sažetak obavještenja o nabavci objavljen u Službenom glasniku BiH broj: 15 od 14.03.2025. godine.

Ukupna procijenjena vrijednost javne nabavke bez PDV-a za LOT 1 je 9.220,50 KM.

Komisija za javnu nabavku imenovana je Rješenjem broj: 11-17-129/25 od 10.03.2025. godine.

Komisija za javnu nabavku dostavila je Zapisnik o otvaranju ponuda broj: 11-17-151/25 od 24.03.2025. godine, Zapisnik o pregledu i ocjeni ponuda broj: 11-17-155/25 od 26.03.2025. godine, Izvještaj o radu broj: 11-17-204/25 od 26.03.2025. godine i Preporuku za donošenje Odluka o izboru najpovoljnijeg ponuđača u postupku javne nabavke, broj: 11-17-204/25 od 26.03.2025. godine.

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda - 4;
- da su blagovremeno zaprimljene ponude - 4;

- da su neblagovremeno zaprimljene ponude- 0;
- da je 1 ponuda prihvatljiva;
- da su 3 ponude neprihvatljive/nepravilne.

Prilikom pregleda i ocjene ponude, Komisija je konstatovala sljedeće:

Ponudač A&M Company d.o.o. Sarajevu u obrascu za cijenu ponude (Aneks II), u koloni za ukupnu cijenu dao je ponudu u iznosu od 3.456,00 KM - prostor Obala Kulina bana br.16 i 5.760,00 KM – prostor Ćemaluša 1. (ukupno 9.216,00 KM za oba prostora) na način da je pomnožio jediničnu cijenu po satu sa brojkom od 12 mjeseci i 18 sati mjesečno, međutim tenderskom dokumentacijom je jasno propisano da je količina i jedinica mjere 12 mjeseci odnosno **52 sedmice te se shodno tome ponuda trebala sastojati od sljedećeg umnoška: 52 sedmice x sedmična satnica x jedinična cijena sata**. Iz navedene ponude proizilazi da je ponudač dostavio ponudu za 48 sedmica, a ne 52 sedmice koliko ima u jednoj godini. Nadalje nactom ugovora je detaljnije propisano da će se usluga pružati 3x sedmično, u trajanju od godinu dana tj. počevši od 22.05.2025. godine do 22.05.2026. godine što je ukupno 52 sedmice.

Također, s obzirom da jediničnu cijenu nije moguće mijenjati jer se jedinična cijena stavke ne smatra se računskom greškom, odnosno ne može se ispravljati ni pod kojim uslovima množenjem ponuđene satnice od 16,00 KM sa navedenom formulom za izračun, dobio bi se iznos koji prelazi procijenjenu vrijednost javne nabavke za LOT 1.

Ponudač MIŠKO-GROUP D.O.O. ŽEPČE smatra se nepravilnom iz nekoliko razloga. Prvenstveno, ponudač MIŠKO-GROUP D.O.O. ŽEPČE u tenderskoj dokumentaciji dostavio je punomoć za Ljubo Đuzela da zastupa firmu u svim i fizičkim radnjama, ali punomoć nije potpisana od strane ovlaštenog lica te je ovjerena samo pečatom firme. Uvidom u Izvod iz sudskog registra proizilazi da je lice Ljubo Đuzel osnivač pravnog lica MIŠKO-GROUP D.O.O. ŽEPČE, a da je lice ovlašteno za zastupanje Lončar Zoran, direktor.

Nadalje, ponuda je nepravilna/neprihvatljiva iz istog razloga kao i ponuda ponuđača A&M COMPANY D.O.O. na način da je ponudač MIŠKO-GROUP D.O.O. ŽEPČE također dostavio ponudu tako što je pomnožio pojedinačnu cijenu sata sa mjesečnom satnicom i time dostavio ponudu za 48 sedmica u iznosu od 9.095,04 KM, a ne 52 sedmice kako je zahtijevano tenderskom dokumentacijom.

Pored navedenog propusta, u Obrascu za ponudu (Aneks I) odnosno Izjavi koja je sastavni dio Aneksa I ponudač je napravio grešku na način da je upisao da ponuda vrijedi 90 dana, od dana isteka roka za dostavljanje ponuda tj. do dana 24.03.2025. godine. Ponuda bi prema zahtjevima tenderske dokumentacije trebala da važi 90 dana računajući od dana 24.03.2025. godine, a ne kako je navedeno da važi do 24.03.2025. godine što je kraći period od zahtijevanog. Tenderskom dokumentacijom je jasno propisano da ukoliko ponudač u ponudi ne navede period važenja ponude, onda se smatra da je to onaj period koji je naveden u TD. U slučaju da je period važenja ponude kraći od perioda navedenog u TD, ugovorni organ će odbiti takvu ponudu.

Ponudač EUROSAN D.O.O. za LOT 1 dostavio je ponudu u iznosu od 13.248,00 KM bez PDV-a što prelazi iznos procijenjene vrijednosti utvrđene tenderskom dokumentacijom odnosno iznos od 9.220,50 KM. Zakon o javnim nabavkama je izričito definisao da se neprihvatljivom ponudom smatra ponuda čija cijena premašuje planirana odnosno osigurana novčana sredstva ugovornog tijela za nabavke. S obzirom da upravo u ovom slučaju vrijednost ponude premašuje procijenjenu vrijednost odnosno planirana sredstva nabavke, ponuda ponuđača EUROSAN D.O.O. se smatra neprihvatljivom.

U otvorenom postupku javne nabave i konkurentskom zahtjevu za dostavu ponuda, neprihvatljivost ponude se cijeni u tijeku postupka, a u slučaju da je predviđena e-aukcija, neprihvatljivost se cijeni prije zakazivanja e-aukcije.

Komisija je također analizirala dostavljenu dokumentaciju te utvrdila da je ponudač EUROSAN d.o.o. kao i prethodna dva ponuđača, dostavio ponudu za 48 sedmica u toku godine, a ne za 52 sedmice kako je to navedeno u tenderskoj dokumentaciji zbog čega je ponuda kao takva nepravilna/neprihvatljiva.

Ponudač „ABV“ VL. VARKA ARMIN u Obrascu za ponudu (Aneks I) odnosno Izjavi koja je sastavni dio Aneksa I napravio je propust na način da je upisao da ponuda vrijedi 90 dana ali nije upisao datum do kojeg ponuda važi. S obzirom na odredbu tenderske dokumentacije da ukoliko ponudač u ponudi ne navede period važenja ponude, onda se smatra da je to onaj period koji je naveden u TD te zbog navedenog komisija je zauzela stav da se radi o manjem propustu koji je ne utiče na valjanost ponude.

Daljim pregledom i ocjenom ponude, utvrđeno je da je ponudač u Obrascu za cijenu ponude (Aneks I) jedni ispravno dao ponudu za 52 sedmice u iznosu od 9.172,80 KM te je analizom preostale dostavljene dokumentacije utvrđeno da je ponuda ponudača „ABV“ VL. VARKA ARMIN (LOT 1) prihvatljiva.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponudača te ocjenu prispjelih ponuda.

U postupku ocjene provedenog postupka, nisu nađeni razlozi, nepravilnosti niti propusti u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponudača izvršen u skladu sa Zakonom o javnim nabavkama, podzakonskim aktima i internim aktima. Uvidom u priloženu dokumentaciju, nesporno je da je izabrani ponudač „ABV“ vl. Varka Armin, ulica Ragale 47, Fojnica najbolje ocijenjen zbog kriterija: „najniže cijene“ utvrđenog u Obavještenju o nabavci i Tenderskoj dokumentaciji.

Najniže cijene kako slijedi:

BROJ PONUDE PO LOTOVIMA	NAZIV PONUDAČA	IZNOS PONUDE bez PDV-a	IZNOS PONUDE sa PDV-om
LOT 1	„ABV“ vl. Varka Armin	9.172,80 KM	9.172,80 KM

Iz navedenih razloga, primjenom člana 64. stav 1) tačka b. Zakona o javnim nabavkama, te u skladu s internim aktima odlučeno je kao u članu 1. ove odluke.

POUKA O PRAVNOM LIJEKU:

Protiv ove odluke može se izjaviti žalba ugovornom organu (Javna ustanova Federalna novinska agencija) u skladu s članom 101. stav 5) Zakona o javnim nabavkama BiH, najkasnije u roku od 5 (pet) dana od dana prijema ove Odluke.

Napomena: Napominje se izabrani ponudač da dokumente navedene u tački 2.1.3. tenderske dokumentacije dostavi u roku od 5 dana od prijema Odluke o izboru najpovoljnijeg ponudača, u radnom vremenu ugovornog organa, najkasnije do 16:00 sati u ulici Obala Kulina bana br.16, Sarajevo.



Potpis odgovornog lica

Zamjenik direktora

Dostaviti:

- Ponudačima - 4x,
- a/a - 1x.